

bænda
FERÐIR

SUÐRÆN SVEIFLA VIÐ ST. TROPEZ



13. – 25. september 2025

Fararstjórn: Hólmfríður Bjarnadóttir

Sumar 23

Frakkland | Spánn | Mónakó

Ferðalýsing

Franska rivíeran eða **Côte d'Azur** í **Provence** héraðinu tekur á móti okkur í allri sinni dýrð í þessari glæsilegu ferð. Við hefjum þó ferðina í yndislega bænum **Tossa de Mar** við Costa Brava ströndina á **Spáni** sem býr yfir merkjum minjum og fornum borgarmúrum í hinum dulúðlega bæjarhluta **Vila Vella**. Héðan förum við í töfrandi skoðunarferðir m.a. til heimsborgarinnar **Barcelona**, höfuðborgar **Katalóníu**, sem er með fegurstu borgum álfunnar. Hún er þekkt fyrir byggingar arkitektsins Gaudí en glæstar byggingar skreyta borgina hvert sem litið er. Við bregðum okkur til **Figueres**, fæðingarbæjar Salvador Dalí og skoðum safnið með ævintýralegu verkunum hans. Því næst bíður bærinn **Sainte-Maxime** eftir okkur en hann stendur við hinn hrífandi **St. Tropez flóa**. Sækjum heim **Aix-en-Provence** sem er með glæsilegustu, en einnig dýrustu, borgum Frakklands. Suðrænn blær frönsku rivíerunnar leikur um okkur í **furstadæminu Mónakó** sem ógleymanlegt er að sækja heim. Við upplifum töfrandi fegurð flóans einnig á siglingu til listamannabæjarins **St Tropez**, sem er einn frægasti bærinn við frönsku rivíeruna. Svo er alltaf ljúft að koma til **Cannes** sem iðar af mannlífi en bærinn er frægastur fyrir alþjóðlegu kvikmyndahátíðina sem haldin er þar ár hvert. Flogið verður heim frá **Nice** við Côte d'Azur í Provence héraði.

13 dagar | 12 nætur

5 nætur Tossa de Mar | 7 nætur Sainte-Maxime



13. september | Flug til Barcelona & Tossa de Mar

Brottför frá Keflavík kl. 08:25, mæting í Leifstöð u.þ.b. 2,5 klst. fyrir brottför. Lending í Barcelona kl. 14:40 að staðartíma. Þaðan verður ekið á hótél í miðaldabænum Tossa de Mar á Costa Brava ströndinni. Hér munum við gista í fimm nætur á góðu hóteli. Á hótelinu er útisundlaug, líkamsrækt og heilsulind. Að degi til er einnig opinn veitingastaður við sundlaug hótelsins. Lítil lest gengur reglulega frá hótelinu inn í bæinn fyrir þá sem vilja spara sér skrefin.

14. september | Gönguferð í Tossa de Mar & frjáls dagur

Við hefjum daginn á fróðlegri gönguferð um Tossa de Mar og göngum upp í elsta hluta bæjarins, klettabæinn Vila Vella, sem er umkringdur borgarmúrum og turnum frá 14. öld. Þaðan gefur að líta stórfallegt útsýni yfir gjörvalla klettaströnd Tossa. Að koma inn í Vila Vella er eins og að ferðast aftur í tímann en enn er búið í nokkrum gömlu húsanna innan virkisveggjanna. Að skoðunarferðinni lokinni gefst hverjum og einum frjáls tími til að kanna umhverfið á eigin vegum. Í nágrenni hótelsins eru fornar minjar frá rómverskum tímum og fyrir áhugasama er í dag frá kl. 8:00-13:00 litríkur útímarkaður í bænum.



15. september | Heimsborgin Barcelona



margir þekkja úr bók Ildefonso Falcones. Einnig verður tími til að kanna líf bæjarbúa og líta inn á líflega kaupmenn borgarinnar.

Barcelona, höfuðborg Katalóníu, er með fegurstu borgum álfunnar. Hún er þekkt fyrir byggingar arkitektsins Gaudí og glæsilegar byggingar skreyta borgina hvert sem litið er. Borgin er mjög gömul og saga hennar merkileg en fegurð hennar og gestrisni íbúanna gera dvölinna einstaka. Af merkjum byggingum má nefna kirkjuna La Sagrada Familia eftir Gaudí og húsin Casa Battló, Casa Milá og garðinn Güell en þessi verk Gaudí eru öll komin á heimsminjaskrá UNESCO. Gotneska hverfinu má ekki gleyma og kirkjunni við hafið sem er dásamleg og

16. september | Salvador Dalí safnið í Figueres

Þennan skemmtilega dag byrjum við á því að heimsækja Figueres, fæðingarstað Salvador Dalí. Dalí safnið er eitt helsta aðdráttarafli ferðabjónustunnar í Katalóníu og það er algjört ævintýri að koma þar inn en Dalí sjálfur hannaði safnið. Bærinn er mjög líflegur og skemmtilegur og er upplagt að fá sér hressingu áður en við höldum til baka til Tossa de Mar.



17. september | Frjáls dagur í Tossa de Mar

Frjáls dagur til að hvíla sig, njóta lífsins, láta dekra við sig á heilsulind hótelsins eða kanna umhverfið í rólegheitum. Í bænum kennir margra grasa menningar og mannlífs sem gaman er að kynna sér í rólegheitunum.

18. september | Sainte-Maxime við Côte d'Azur

Eftir góðan morgunverð verður ekið að frönsku rivíerunni eða Côte d'Azur ströndinni til yndislega bæjarins Sainte-Maxime við St. Tropez flóa sem er rómaður fyrir fegurð. Þar verður gíst í sjö nætur.



19. september | Stutt gönguferð í Sainte-Maxime & frjáls tími

Eftir góðan morgunverð verður farið í stutta gönguferð um Sainte-Maxime, sem færir okkur nær lífinu við ströndina. Þetta er einn af vinsælustu ferðamannabæjum Côte d'Azur strandarinnar og búa þar um 12.000 manns. Það má segja að bærinn hafi notið góðs af frægð St. Tropez bæjarins sem er hinum megin við flóann og er Sainte-Maxime nú með fínni bæjum strandarinnar. Í Sainte-Maxime er jafnframt ein best útbúna lystisnekkjuhöfn strandarinnar. Eftir hádegi verður frjáls tími til að kanna bæinn betur á eigin vegum og fá sér hádegishressingu. Einnig er upplagt að nýta sér aðstöðuna við hótelið okkar.

20. september | Bátsferð til St.Tropez & smálest

Við höldum í siglingu yfir til listamannabæjarins St. Tropez. Smálest ferjar okkur niður að höfn þar sem báturinn bíður okkar. Bærinn er einn aðaláfangastaður hinna ríku og frægu við frönsku rivíeruna. Brigitte Bardot býr þar og einnig halda ýmsar Hollywood stjórnur þar til í sínu orlofi. Við förum í skoðunarferð um þennan fallega, gamla virkisbæ og síðar gefst góður tími til að kanna lífléga bæinn á eigin vegum. Það er til að mynda mikil upplifun að skoða lystisnekkjur fræga fólksins í höfninni. Að lokinni siglingu aftur til Sainte-Maxime mun smálestin ferja okkur til baka á hótelið



21. september | Furstadæmið Mónakó & spilavítin í Monte Carlo



Þennan skemmtilega dag heimsækjum við furstadæmið Mónakó, stundum kallað dvergrikið Mónakó. Við höldum í glæsilega skoðunarferð um klettaborgina en þar er að finna höll furstafjölskyldunnar og dómkirkjuna þar sem Grace Kelly var borin til grafar og haffræðisafnið. Glæsileg bygging Grand Casino spilavítisins í Monte Carlo hverfinu verður einnig skoðuð og komum við inn í Grand Casino spilavítið.

22. september | Cannes við Côte d'Azur

Nú verður ekin falleg leið til Cannes við Napoule flóann, heillandi borgar á fallegum stað. Í Cannes skoðum við okkur um í gamla bænum og göngum að kvikmyndahöllinni og rauða dreglinum en Cannes er einmitt frægust fyrir alþjóðlegu kvikmyndahátíðina sem haldin er þar ár hvert. Síðdegis gefst frjálstími til þess að skoða borgina, sýna sig og sjá aðra.

23. september | Aix-en-Provence

Í dag höldum við til Aix-en-Provence sem er með stærri háskólaborgum landsins og nema þar um 30.000 háskólanemar. Segja má að borgin sé með dýrustu en einnig glæsilegustu borgum landsins, umkringd fjöllum og sléttum. Á listasöfnum og í kirkjum borgarinnar má líta glæsta fortíð en einnig bera fjölmargar einkahallir sem byggðar voru í barokkstíl á 17. og 18. öld merki um glæsileikann. Í dag eru þessar einkahallir reknar sem lúxushótel. Aix, eins og hún er jafnan kölluð, er einnig þekkt fyrir gómsæta möndlukonfektíð sitt, Calissons. Við röltum saman um elsta hluta borgarinnar og eftir það verður frjálstími til að njóta og fá sér hressingu.



24. september | Frjáls dagur í Sainte-Maxime

Í dag njótum við þess að eiga frjálsan dag í Sainte-Maxime. Hægt verður að nýta sér aðstöðuna við hótelið, kanna betur fallega miðbæjarkjarnann, líta inn í skemmtilegar verslanir og fá sér hressingu á einhverju hinna fjölmörgu veitingahúsa bæjarins. Einnig er upplagt að fara í göngu með fram ströndinni.

25. september | Ekið til Nice & heimferð

Nú er komið að heimferð eftir yndislega daga en eftir góðan morgunverð verður stefnan tekin á dásamlegu borgina Nice við Cote d'Azur í Frakklandi. Það er ekki annað hægt en að hrifast af bæði borginni sjálfri og bæjarstæði hennar við Englaflóann. Við förum inn í gamla bæinn en skipulagið hefur varla breyst síðan á 17. öld. Þar er nú fullt af veitingastöðum, tískuverslunum og börum en miðpunkturinn er stór matar- og blómamarkaður sem er vel þess virði að heimsækja bara fyrir litina og ilminn. Þar verður frjáls tími og upplagt að fá sér hressingu áður en ekið er á flugvöll en brottför þaðan er kl. 15:40 og landing í Keflavík kl. 18:00.

Fararstjóri getur fært dagskrárliði á milli daga eftir þörfum þegar komið er á staðinn.

Verð

439.900 kr. á mann í tvíbýli | 92.900 kr. aukagjald fyrir einbýli.

Innifalið

- ✓ Flug með Icelandair og flugvallarskattar.
- ✓ Gisting í 2ja manna herbergi með baði.
- ✓ Morgun- og kvöldverðir allan tímann á hótelum.
- ✓ Allar skoðunarferðir með rútu samkvæmt ferðalýsingu.
- ✓ Aðgangur í Salvador Dalí safnið í Figueres.
- ✓ Íslensk fararstjórn.



Ekki innifalið

- ✓ Aðgangseyrir inn í söfn, hallir og kirkjur.
- ✓ Siglingar.
- ✓ Vínsmökkun.
- ✓ Hádegisverðir.
- ✓ Þjóf fé.

Valfrjálst

- ✓ Sigling til St. Tropez og smálest í Sainte-Maxime u.þ.b. 25 €
- ✓ Höll furstafjölskyldunnar í Mónakó u.þ.b. € 15.
- ✓ Spilavítið í Monte Carlo u.þ.b. € 18.
- ✓ Smálest í Nice u.þ.b. € 18.